

Episcoporum ordinationi ] vt debite sunt officium exequantur, quæ sunt illa, ad quæ tenetur Parochus. Pro cuius maiori explicacione scientiã, quod Curatus tenetur habere scientiam, & non aliam, nisi quæ requiritur ad suum officium exercendum. Et illa dicitur sufficiens scientia, quando per eam poterit explicare illa, ad quæ tenetur ex officio suo. Et quando Curatus, vel Parochus non habuerit talem scientiam, dicitur insufficientis, & non idoneus Curatus, quia nescit, & quia non potest exercere illa, ad quæ eum ius diuinum, & Canonicum obligat. Sic notat Panor. c. Cum incunctis de Elect. num. 4. & Innocen. & ob hoc dicit Sancto Thomas. 1. 2. q. 76. arti. 2. quod ignorantia illorum, quæ ad officium vniuscuiusq; pertinent, est culpabilis, nec à peccato excusare potest, quia habens talem ignorantiam, non potest debitum actum exercere, & sic nec facere, ad quæ tenetur ex precepto. Quod quidem notat Caietanus verbo. Ignorantia. Siluester ibi. §. 3. Navarra cap. 4. num. 2. Sed quæres. Quæ est ista scientia, quam debet habere Curatus, & ad quæ se debet extendere? Pro declaratione huius. q. est sci-